

1249-1249- OFP - Acta Capitulum Generalium apud Treverim Celebrati

In nomine patris et filii et spiritus sancti. Amen.

Acta capituli generalis apud Treverim
celebrati anno Domini · M° · CC° · XLIX° ·

Iste sunt confirmaciones.

Confirmamus has constituciones. In constitucione ubi dicitur. et a priore provinciali. si ei visum fuerit confirmetur. addatur. conventus autem qui petit electi confirmacionem in priorem; numerum el nomina eligencium. scribat provinciali. Et hec habet · iii · capitula.

Approbamus has constituciones. Ubi dicitur in constitucionibus. Mortuo priore provinciali. vel amoto. prior illius loci. ubi capitulum. etc. addatur. Si vero vicarium eundem. infra tempus vicarie sue. mori vel amoveri contigerit. prior illius loci. vel domus. ubi antecedens capitulum provinciale celebratum fuerat. vicem prioris provincialis in omnibus obtineat. et sic deinceps. donec. etc. Et hec habet · ii · capitula.

Item hanc. In constitucionibus. ubi dicitur. si quis per contumaciam. vel manifestam rebellionem. inobediens prelato suo. addatur. etc. Et hec habet · ii · capitula.

Item. Inchoamus hanc. Ubi dicitur in constitucionibus. librum autem istum quem consuetudinarium appellamus. deleatur istud. quem librum consuetudinarium appellamus. et dicatur sic. librum autem istum diligenter conscripsimus. in quo etc.

Item hanc. Ubi dicitur. In omni oracione. quando nomen beate virginis nominatur. addatur et dicatur sic. quando nomen beate virginis et beati Dominici nominatur. et eciam quando nomen beate Marie nominatur. in antiphona. salve.

Item hanc. Ubi dicitur. et sic facient ad omnes horas. addatur. finita lectione in matutinis. nisi fiat officium de mortuis. ille qui legit. inter pulpitem et gradus. inclinacionem faciat. vel prosternat se pro tempore.

Item hanc. In capitulo de ieiuniis post illud verbum. omnium sanctorum et Andree apostoli. addatur. et dicatur. quadragesimali utimur cibo. Idem dicimus de omnibus · vi · feriis. nisi natale domini ea die evenerit. nisi cum aliquo etc.

Item hanc. Ubi dicitur. Itinerantes bis refici possunt. nisi in adventu et ieiuniis principalibus ab ecclesia institutis. addatur. et · vi · feriis.

Item. hanc. In capitulo ubi dicitur de cibo. pulmenta nostra sint sine carnibus. ubique in nostris conventibus. addatur. et dicatur. preterquam in infirmariis.

Item hanc. In capitulo de vestitu. ubi dicitur. Pelliceis silvestribus. etc. usque non utantur. deleatur hoc. et dicatur sic. pelliceis silvestribus fratres nostri non utantur. neque coopertoriis eciam quarumcumque pellium nisi in infirmariis. non tamen utantur ibidem coopertoriis pellium silvestrium.

Item hanc. In capitulo de rasura. in fine dicatur sic. In qualibet autem rasura communicent fratres omnes. poterunt autem fratres interdum in aliqua feriali die communicare. si visum fuerit priori. quando melius poterunt interesse.

Item hanc. In capitulo de silencio. ubi dicitur. breviter et submisse addatur. nisi de licencia episcoporum seu electorum aut maiorum hiis. seu eciam regum. cum contigerit nos cum eis comedere.

Item hanc. In capitulo de recipiendis illud. nullus recipiatur in canonicum vel conversum. etc. usque ad illud. nullus recipiatur infra · xviii · annos. deleatur totum. et dicatur sic. nullus recipiatur in fratrem clericum. nisi a priore provinciali. vel ab eo cui super hoc dederit licenciam specialem. vel a priore conventuali cum consensu totius vel maioris partis capituli. conversum autem non recipiat prior provincialis nec aliquis de eius licencia. nisi de consensu conventus. ubi fuerit induendus. nec conventus aliquis recipiat conversum sine licencia prioris provincialis.

Item hanc. In capitulo de levi culpa. illud quod dicitur in fine. clamantis de supradictis. etc. usque in finem deleatur et dicatur sic. clamatis vel clamantibus se de supradictis. detur penitencia. secundum quod prelato videbitur expedire.

Item hanc. In capitulo de graviore culpa. Illud eodem modo penitere debet. usque ad illud. si quis tale quid. etc. deleatur et dicatur sic. Si quis autem quod deus avertat. in peccatum carnis lapsus fuerit. ipsum non solum supradicta pena. sed gravius puniendum censemus.

Item hanc. In capitulo de domibus concedendis. vel costruendis. ubi dicitur possessiones seu redditus nullo modo recipiantur. addatur. nisi ad alienandum. quod dicimus quam cicius faciendum. Si autem alienacio facta non fuerit; ex. inde fratres fructus non recipiant.

Item hanc. In capitulo de electione magistri ubi dicitur. Mortuo magistro vel a magisterio amoto. priores provinciales · xii · provinciarum in omnibus. etc. removeatur · xii · provinciarum et dicatur sic. priores provinciales in omnibus. etc.

Item hanc. In eodem capitulo. ubi dicitur. donec in parte altera. maior possit numerus inveniri. addatur et dicatur sic. Quod si non omnes provinciales ad electionem magistri convenerint. illi quos ex ipsis venire contigerit; supradictam habeant potestatem.

Item hanc. In capitulo De itinerantibus. ubi dicitur. Depositarii esse possunt. deleatur totum et dicatur. nec etiam recipiant deposita.

Item hanc. In capitulo de studentibus in fine dicatur sic. Libri ordinis seu fratrum. non vendantur nisi precium eorum in libros alios seu scripta convertatur.

Item hanc. In fine constitutionum dicatur sic. Garciones seu famuli seculares. in coquinis seu in infirmariis nostris; non admittantur.

Item hanc. in capitulo de electione diffinitorum. in fine dicatur sic. Fratres qui in uno anno electi sunt in diffinitores capituli provincialis. in sequenti anno immediate non eligantur ad idem officium. Idem dicimus de diffinitore capituli generalis.

Item hanc. In capitulo de visitatoribus. in fine dicatur ita. Visitatores autem in anno visitacionis sue. si comode possunt veniant ad capitulum provinciale seu generale. si in sua provincia celebratur.

Item hanc. In capitulo de capitulo provinciali. illud quod dicitur. priorem loci ubi capitulum provinciale celebratur. deleatur et dicatur sic. aliquem loco eius substituentes.

Item hanc. In capitulo de capitulo provinciali. ubi dicitur. cum singulis sociis a capitulo suo electis. deleatur istud et dicatur sic. a pluribus de capitulo suo. etiam citra medietatem eligendum electis.

Item hanc. In capitulo de electione diffinitorum ubi dicitur. aliquis de magis ydoneis a capitulo eligatur. qui sit generalis capituli diffinitor. addatur. secundum formam supradictam in electione diffinitorum capituli provincialis.

Item hanc. In capitulo de predicatoribus. illud quod dicitur in principio. fratres qui ydonei etc. usque ad illud verbum. Statuimus etc. totum deleatur et dicatur sic. Provideant diligentissime priores. ne comittant predicacionis officium. nisi fratribus ad hoc ydoneis moribus et sciencia approbatis.

Item hanc. In eodem capitulo ubi subiungitur. Statuimus ut nullus fiat predicator generalis. antequam theologiam audierit per tres annos. addatur. et nisi sit maturus et discretus ad negocia ordinis in capitulis pertractanda.

Item hanc. In constitutionibus ubi dicitur. Psalteria autem non habeant. addatur. nec etiam alios libellos.

Item hanc. In capitulo de domibus concedendis. in fine dicatur sic. Statuatur autem semper aliquis frater clericus vel conversus. maturus et discretus et securus. qui sit portarius et diligenter que ad officium portarii pertinent exequatur. poterit autem aliquem fratrem vel secularem. honeste conversacionis habere in adiutorium. cum necessitas hoc requirit.

Item hanc. In capitulo de electione prioris conventualis post illud. nisi prior provincialis aliter ordinaverit. addatur et dicatur sic. Si vero mortuo priore vel amoto. domus supprioris caruerit. tres fratres illius conventus qui primitus habitum nostri ordinis susceperunt. aliquem de illo conventu eligant. qui vices supradictas prioris optineat. quousque domus ipsa priorem presentem habeat vel suppriorem vel prior provincialis aliter ordinaverit.

Iste sunt **admoniciones.**

Caveant diligentissime priores et conventus omnes. ne contrahant debita periculosa et dent operam. ut contracta solvantur.

Item. Quando fratres flectunt ad. salve sancta parens. vel. veni sancte spiritus. sic faciant genuflectiones. ut sit chorus contra chorum et non procumbant et prostrationes que fiunt in canone; fiant super formas.

Item. In oracione. Concede nos. quando dicitur post completorium. non inclinent fratres. nisi quando nomen beate virginis nominatur.

Item. Fratres de una provincia infra terminos alterius provincie non predicent nisi in transitu. nec questum faciant. nisi de licencia prioris provincialis vel conventualis ad quos pertinent termini predicti. Quod si contra de cetero aliqui fecerint. teneantur restituere priori conventuali in cuius terminis aliqui acquisierunt.

Item. Fratres ad quos pertinet electio diffinitorum capituli generalis. caveant diligenter. ne aliquem eligant occasione quacumque. nisi sit unus de magis ydoneis. sicut dicit constitucio.

Item. Ordinent semper priores tres fratres de consilio fratrum. qui cum priore et supprioris et procuratore; audiant semper computacionem. et sciant statum domus quo ad temporalia.

Item. Intermedia que sunt in ecclesiis nostris inter seculares et fratres. sic disponantur ubique per priores. quod fratres egredientes et ingredienti de choro non possint videri a secularibus. vel videre eosdem. Poterunt tamem alique fenestre ibidem aptari; ut tempore elevacionis corporis dominici possint aperiri.

Item. Provideant priores provinciales et diffinitores capitulorum provincialium. ut constitucio de vilitate vestium; tam in clericis quam in laicis diligenter observetur.

Item. Studentes missi Parisius. vel ad alia sollempnia studia. nulla contrahant debita. nisi concessionem habeant a suis provincialibus per patentis litteras sibi factam. sed nec alii fratres debita contrahant. nisi de speciali et expressa licencia prelatorum suorum.

Item. Lectores qui parum de textu legere consueverunt; corrigant se in hoc et tantum legant de textu. ut fratres in addiscendo bibliam totam. sub eis valeant proficere.

Item. Fratres occasione queste vel qualibet alia occasione ab invicem non discedant.

Item. Non procurent licencias ab episcopis de indulgenciis faciendis seu confessionibus audiendis vel votis commutandis seu dispensacionibus vel huiusmodi sine licencia priorum suorum.

Item. In alis que sunt in ecclesiis iuxta chorum fratrum a dextris et a sinistris; mulieres ingredi non permittantur.

Item. Fratres non faciant sibi scribi psalteria vel alia scripta per moniales. vel alias mulieres.

Ista sunt **suffragia**.

Pro domino papa et statu universalis ecclesie; quilibet sacerdos · iii · missas. clericus psalterium. conversi · d · pater noster. – Pro fratribus nostris et fratribus minoribus. familiaribus et benefactoribus nostris recommendatis. quilibet sacerdos · iii · missas. clerici et layci; ut supra etc.

Concedimus · i · domum in Francia. Item · i · in Theuthonia. Item s · i · in Anglia. · ii · in Grecia.

Capitulum generale Londoniis. in Anglia. anno futuro.

Absolvimus priorem provincialem Hyspanie. et priorem provincialem Provincie. scilicet fratrem Poncium de Sparra.